



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Mohiri o re
h'a na letho**

7

**Marena a se kene
mekhatlo ea
sechaba**

8



BOBOLU KE MOFETŠE

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Ke bohobe ba letsatsi

Bekeng ena ntho e 'ngoe feela e melomong ea sechaba sa Basotho; bobolu. Ha se hore khale ho ne ho se bobolu empa mohlomong ho shebahala nakong ena bo se bo hatetse pele haholo, 'me ho bonahala bo le pusong mona. Tona-Khola ea Lesotho o ile a ba a ntša polelo moo a reng a ke ke a senya seriti sa hae ka ho sebetse le masholu, ka lebaka lena Basotho ba hlahise bopaki bohle bo amanang le matona 'me o tla ba hlabisa thoto ka monkhoane. Ntle le eena Letona la Lichelete le Meralo le buile ka bobolu 'me le re ke mofetše o bonahalang ehlile o ahetse, ka hoo a ipiletsa ho bohle ho o ntša ka metso. Hobane boteng ba bona bo nonyetse naha e se motho a le mong. Ke hore kahar'a mathata ao naha e tobaneng le ona a moruo ho na le batho ba shebileng ho tlatse mpa tsa bona? Kannete motho le motho o'a iphelela feela e ntse e le hantle ho arolelana hlooaana ea tsie, etsoe sejo senyane ha se fete molomo.

Marena a Sehlooho a ntšitse polelo moo a khalemang a metse ho tlohela ho etsa boipelaetso ba ho sebetse ho hang, hobane ba re 'muso o phethahetse tšepiso ea ho ba ekeletsa meputso. Khalemo e totobatsa hore marena ka molao ha se bahlanka ba 'muso, ha lokele hape ho ikamahanya le mekhatlo ea sechaba ka mekhoha efe kapa efe. Mosebetsi oa bona ke ho hlokomela sechaba le ho etsa bonnete ba hore pusong ho ba le botsitso libakeng tseo ba fuoeng bolisa ho tsona. Ba eletsoa ke hona ho khoba matšoafo hobane 'muso o ntse o inahanela taba eo. Theolang maikutlo marena a habo rona le mpe le sebeletse sechaba hobane ruri ha tlou tse peli li loana ho utloang bohloko ke joang. Re utloisisa hantle taba lona, le batho le na le lithoko tse lokelang ho phethoa. Ha ho monate ho le bona le sotlehile le bile le qetella le batla mesebetsi e meng, ebe oo e leng oa lona lea o sekisetsa. E se eka 'muso o ka utloa 'me oa etsa kapele.

Lekhotla le Phahameng le tšebetse matjoing taba ea hore nyeoe e neng e hlahletsoe ke Kampani ea Phepelo ea Motlakase Lesotho (LEC) khahlanong le Komiti e Alositseng Tšebeliso ea Lichelete tsa Sechaba (PAC) e potlakile. Lekhotla le bontša hore PAC e tšehetsoa ke molao ho phetha mosebetsi oa eona litabeng tse amang lichelete tsa sechaba. Ka hona PAC e tla tsoelapele ho bitsa boto ea LEC kaha e bontšitse e entse kopo ea samane, 'me bekeng ea la 15 bao ba tla hlaha kapele ho bona. 'Muelli oa balli o re litho tsa komiti li hobosa basebeletsi ba LEC ka lipotso tse thata. Joale ha litaba li sa hlaka ba tloheloe feela? Ke lichelete tsa sechaba tsena tseo ho buoang ka tsona mona ha se tsa basebetsi, joale ho thoe ba lesoe ba khabelle hanong ha sechaba se sotleha ke theko e phahameng ea motlakase? Motho eena o lokela ho arabella liphoso kapa maphemphe a bonahalang tšebetsong ea hae, 'me h'a fumanoa a le molato a behoe kapel'a makhotla, toka e phethoe. Hona ha se bokhopo hakaalo empa e le tsamaiso e nepahetseng, ke moputso oo motho ea joalo a o leletseng ho latela liketso tsa hae.

Ka lehlakore le leng litaba tse monate tse hlahang Lekaleng la Temo, Kanetso ea Lijo le Phepo e Nepahetseng ke hore 'muso o tšehelitse khoebo e etsang manyolo kahar'a naha. Se tsoetseng morero ona ke ho sokola manyolo nakong ea temo ea Mariha le Lehlalula, hobane khoebo e a etsang e shebana le bareki ba bang ba itseng. Taba ena ke khatelo pele e khola ho bona Lesotho le tšehetsa boqapi ba bana ba lona. Haesale motho a bua hore ha re hloke ho reka lintho kantle ho naha, e se re e-na le batho ba fupereng litsebo tse ngata hakaana tse ka ba molemong ho rona. Ho neng re itšehisa ka lichaba tse ling? Khale re jeoa 'metoane ka ho reka lihlahisoa tseo re ka iketsetsang tsona. Re nkile nako e telele haholo re hloile ntho efe kapa efe e entsoeng ke ngoan'a Mosotho, re tšepa e tlang le melata. E fihlile nako ea ho iketsetsa. Basotho ha re tšehetseng khoebo eo, 'me re sebelise manyolo a lapeng koana a manoni a tla thusa lijalo tsa rona ho hola ka nepo.

MOLIMO A BOLOKE LESOTHO LE BASOTHO

Lesotho le tla itlhahisetsa manyolo-Mofosi

Nthabeleng Seitlheko

Letona la Temo, Kanetso ea Lijo le Phepo e Nepahetseng, Mohlomphehi Thabo Mofosi o re ka lebaka la ho nka nako e telele ba sokola manyolo, a qetella a lebisla tiehisong ea temo lekala la habo le se le fane ka tšehetso ho khoebo ea Basotho e hlahisang manyolo. Litaba tsena o li boletse ka la 9 Phupjane monongoa.

O re litaba tsena li khanniloe ke tšokolo e bang teng nakong ea boitokisetso ba temo ea Mariha le Lehlalula hobane khoebo tse hlahisang manyolo li qala pele ka beng ba tsona. O re ke nako ea hore Basotho ba matlafale temong, ba sebelise manyolo a hlahisoa ke khoebo ea ngoan'a Mosotho. O re sena ke karolo e khola e tla thusa ntlafalong ea tlhahiso ea mesebetsi e sa feleng.

"Ke taba-tabelo ea rona ho bona manyolo a hlahisoa naha ka bophara re sa a reke empa e le rona ba rekisetsang linaha tse ling, le hore e lokela e be manyolo a boleng a tla ikhetholla ho a linaha tse ling." Ke Mofosi eo. A re ho bonahala e le naha ba ile ba nka nako e telele ka merero e sa tsoeleng naha molomo. O re mobu oa temo bohola o lutse matsohong a batho ba sitoang ho hlahisetsa batho lijo, ka lebaka leo ba lokela ho fetola taba eo hore bacha ba nolofalloe ke tšebeliso ea mobu.

A re kahar'a morero oa farelane le



seiboko bacha ba 450 ba tla rupeloa hore ba hlahise liaparo le likobo, ho be le liiti tsa tlhahlobo ea boea. O itse ba tl'o tlatsetsa bacha ka lithupelo ho itukisetsa ho itlhahisetsa lijo tsa liphoofole ka mekhahlelo eohle empa haholo ho shebiloe tlhahiso e masimong.

A re ba na le libaka tse 'ne tseo ba nang le morero o moholo oa noesetso e leng Phamong, Tsoili-Tsoili, Likhakeng le Mohale's Hoek, 'me ba ikelelitse ho tšehetsa morero ona ka lichelete e le hore ba tsebe ho itlhahisetsa lijo. Tabeng ea literekere o re ke bonyane tse 200 tse khahlametsang bacha le batho ba temo, ka lebaka lena bacha ba tsebe ho qoba litereke haholo bana ba banana, hobane ha joale ke bonyane banana ba 30 ba seng ba tseba ho qoba 'me sena se etsoa ka morero oa ho qoba ho haelloa ke bo-ramichini.

A re ba na le mobu oa temo o mongata ka lebaka leo ba hloka ho bona hore hoa hlahisoa. O itse ba batla ho bona mobu oa o likolong tsa 'muso o qetella o fuoa Mosotho ea

nang le litsebo e ntse e le e meng ea morero ea tlhahiso ea mesebetsi. O phethetse ka ho ipiletsa ho Basotho ho fumana menontša litorong kaha e le teng le lipeo empa e le hore li ka haella ka lebaka la ho se li fumane ka bongata.

E mong oa bacha ba nang le litsebo tsa ho hlahisa manyolo, Kekeletso Molekane o re Basotho ba na le monyetla oa ho hlahisa lijo tsa bo leng ba sebelisa manyolo a se lehake a sa cheseng lijalo. O re ho ka ba bohlokoa ha 'muso o ka tsetela likhoebong tse fapakaneng tsa tlhahiso ea manyolo e le ho thusa tlhahisong ea mesebetsi, ho thusa hore manyolo a hlahisoang kahar'a naha a be le tlholisano e le ho bula mebaraka ka likanta tsohle.

Ha 'muso o ka tšepahalla taba ena, o re ho tla thusa tlhahisong ea mesebetsi ebe ba ntša lipolotiki litabeng tsena e le hore bacha bohle ba ithukhubetse ntle le letsoalo. O thoholetsa mohato ona ka le reng boqapi ba bona ha bo na ho fella feela.

Mokhothu o hobosa 'muso

Tšeliso Thakholi

Moetapele oa Lekhotla la Puso ea Sechaba(DC), Mathibeli Mokhothu o re Tona-Khola ea hajoale e bonahala e se na boiphihlelo litabeng tsa tsamaiso ea puso, haholo-holo litabeng tse amahangoang le bobolu bo hlahellang kahare ho Koporasi ea Lesotho ea Phepelo ea Motlakase (LEC). Mokhothu eo e boetseng e leng moetapele oa bohanyetsi ka paramenteng, o buile tsena sebokeng sa moetapele se neng se tšoaletsoe lebatooeng la Matala, Maseru ka la 8

Phupjane monongoa moo a ileng a sola 'muso oa Lesotho o etelletsoeng pele ke Tona-Khola Samuel Matekane ka le reng o sitoa ho tla ka tharollo e amang bobolu kahare ho LEC le kabo ea mesebetsi e meholo e kang ea khaho ea Lebala la Lifo-fane la Moshoesheo I.

A re bona e le Lekhotla la Puso ea Sechaba taba tsena tse amanang le bobolu bo bonahalang bo atile kahare ho puso, ba ka be ba se ba bo rarollotse ka ho panya ha ntši, ho fapakana le hore ho fihlela hajoale ho ntse ho e-s'o be le nko ho tsoa lamina. A thathiselletsa ka hore puso e teng hajoale e sitoa ho phetha litšep-

iso tseo e ileng ea li tšepisa basebetsi ba lifeme, sechaba le marena, ha e tla khethoa ka bongata. A tiisa hore hoa bonahala hore puso ha se potele e khoathoang ka lehlaka.

A khothaletsa maqheku le maqhekoana a Lekhotla la Puso ea Sechaba ho thusa boetapele ba lona hore ba khothaletse ba bang ho ba litho tsa Lekhotla kaha hang ha ba kena pusong ba tlii'o felisa taba ea ho ba amohelisa litsiane tsa bona tsa boqheku ka marang-rang kaha seo se ba baketse liqholotso tse ngata.

A re libokeng tseo ba seng ba bile ho tsona, o khothetse haholo ke lipalo tse ntseng li nyoloha ka potlako tsa batho ba khutlelang kahare ho DC. A bontša hore sena ke sesupo sa hore DC ke Lekhotla la 'nete leo ho bonahalang bophelo ba lona bo tla tsoelapele hang ha ba kena pusong likhethong tse tlang. A qetella ka hore bohle bao e bang ba ntse ba le kahare ho makhotla le mekha e meng ea lipolotiki, ba ka ratang ho ba litho tsa DC mamati a butsoe, 'me ba tla amoheloa ka liatla tse peli. Ke hona sebokeng sena moo litho tse ka bang 1700 ho tsoa makhotleng, mekheng le ba e-s'o ho kene makhotleng a lipolotiki, li ileng tsa kena le ho amoheloa Lekhotleng la DC.



Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Bobolu ke mofetše-Matlanyane



Nthabeleng Seithleko

e meholo, ka hoo 'muso o ikemiselitse hore morero o tsoelepele tšehetso ea Mo-

fani e le teng kapa e le sieo le hoja e tla ba nka nako e telele hobane ke morero

o tla ba tlisetsa phaello le ntšetsopele e kholo e potlakileng.

O itse leha ho le thata hakaalo ke bonyane basebetsi ba 1,347 ba neng ba anngoe ke litaba tsa ho huloa ha lithuso tsa Amerika, 'me ke ba 654 ba seng ba khutletse mesebetsing ha ba 693 ba e-s'o khutle, empa Lekala la Bophelo le la Lichelete a ntse e sebeletsa hore karoloana eo ea ho qetela e khutle.

Ka lehlakoreng le leng, Letona la Lipapali le Bohahlauli, Mohlomphehi Motlatsi Maqelepo, o bontšitse hore moruo oa naha hore o hole ba hloka chelete e hlahang linaheng tse ling ka bohahlauli, ka lebaka lena ba t'l'o theha mesebetsi e 500 ka ho phatlalatsa libaka tse ikhethang joaloka Maletsunyane, Tšehlanya-ne le lipapali tsa metsing 'me ba t'l'o bulela bacha ka lithuso tsa CAFi ho bona hore ba hlahisa litsebo tsa bona.

Letona la Lichelete le Meralo Dr. Retšelisitsoe Matlanyane o hlalositse hore bobolu ke mofetše o bonahalang o le thata ho tsoa, e se eka ke tloaelo, ebile ekare ke taba e monate le hoja e le ntho e mpe e amang moruo oa naha. Litaba tsena li hlaheletse puong ea hae h'a arabela litaba tse amanang le liketsahalo tsa bobolu 'mokeng oa bo-ralitaba, ka la 9 Phupjane monongoaha.

O hlalositse hore bobolu ke ntho eo bohle re lokelang ho e nena re e ntše hore e fele hobane ke boikarabello ba motho e mong le e mong ho bona bo'a fela. A re mang kapa mang ha etsa bobolu a tsebe o senyetsa eena, naha le sechaba sa habo kaha bohle ba senyeheloa ke seriti hohle moo ba fihlang teng.

O tsoetsepele hore le bona ba tsoanela ho loants'a bobolu bo hloke sebaka kahar'a puso ea bona nako eohle, liketso tsa bona li bonts'e ba nena bobolu le ho bo loants'a. A re makala a tla fana ka 2% cheleteng ea ona haholo a tla tla le monyetla o joalo e le ho kenya letsoho litabeng tsa tlhahiso ea mesebetsi.

A re leha ba e-na le bothata ba lipalo-palo hakaalo litaba tsa litharifi le ho huloa ha lithuso ke Naha ea Amerika ho ba behile tsietsing le hoja ba ile ba bolelloa ho tsoelapele ho sebetsa kahar'a morero oa MCA. A re MCA e na le menyetla ea ho hlahisa mesebetsi

Ha ke t'l'o itšilafatsa seriti ka masholu-тк

Nthabeleng Seithleko

Muso o etelletsoeng pele ke 'na Tona-Kholo Samuel Ntsokoane Matekane ha o sireletse bobolu, ha fela ke na le litaba tse tsoarehang boetapeleng ba ka tse amang letona lefe kapa lefe ke tla le hlabisa thoto ka monkhoane, ke le fase. Litaba tsena o li bole-tse, a hlahisa maikutlo a hae holim'a litaba tseo a utloang ho na le mororo ka matona a habo, ka la 9 Phupjane monongoaha.

O re taba ea bohlokoa ke hore Basotho ba fane ka menyenetsi le litaba tse tsoarehang kaha ho tloha sethathong a ile a hlalosa hore h'a sireletse bobolu ho hang. O re ke tšebetsong ea bona moo ba fileng Setsi sa Toantšo ea Bobolu le Bomenemene (DCEO) ho hlaola bobolu ka hohle-hohle. A re Basotho ba tsebe hore ha se motho ea tla silafatsa seriti sa hae ka ho sebetsa le masholu.

O tsoetsepele hore esale ba fihla pusong ena, ba hula ka thata 'me o'a bona hore mobusi ea kenang o fetoha moajalefa oa lintho tse ntle le tse mpe hobane lintho tse ling ba li fumana e le tse etsahetseng. A re 'muso o lefile Banka ea Lefatše M22 Millione e nyameletseng LEC ho se tlhaloso ea letho kaha ho ne ho se litokomane tse pakang tšebeliso ea chelete e joalo.

A re Banka ea Lefatše e

boetse e se ebile e batla littaleho tsa chelete e kaalo ka M45 Millione e sebe-litseng morerong oa khaho ea lifeme tsa Ha Belo 'me e bang le tlhaloso e le sieo banka e ba behile rifi molaleng e batla chelete eo. O hlalosa a tla nka bohato ka bobolu ba nchafatso ea boema-fofane ha DCEO e phethetse lipatlisiso.

Ho sa le joalo o tekile maano a t'l'o sebelisoa ke 'muso ho hlola tlhokahalo ea mesebetsi. A re Basotho ba 3,000 ba tla fumana mesebetsi litseleng tsa lehlohlolane tse fumanehang metseng ea habo bona, ebe tikolohong le bohloeki 'muso o tla o hira batho ba 8,350 ka likhoeli tse tharo ba t'l'o etsa mesebetsi oa tlhoeki-so ea tikoloho 'me khiri ea bona e tla kenyeletsa bacha ka lipalo tse holimo. A re bacha ba 1,220 ba tla hiroa morerong oa temo ea lifate tlasa lenane la boiketsetso litabeng tsa phetoho ea boemo ba leholimo, ha e le ho matla le motlakase le morerong oa phepele ea motlakase metseng 'muso o tla hira batho ba 2,700 seabakeng sa khokelo ea motlakase metseng.

A re ke bonyane Basotho ba 365 ba tla hiroa ho bokella lipalo-palo tsa mafura a kenang malibohong le a rekisoang kahar'a naha ho kenyeletsa le palo ea matlo a se nang motlakase e le ho akofisa khokelo. Tabeng ea tlhahiso le kanetso ea lijo, o itse 'muso o t'l'o ts'ehetsa theko ea literekere tse

200 le lisebelisoa tsa tsona ke Basotho ba 80 ba tla fumana mesebetsi, morerong oa noesetso ke Basotho ba 3,160 e le basebetsi ba nako e telele e le Basotho ba nang le litsebo le basebetsi ba nakoana ba 18.

A thatiselletsa ka hore morero oa farelane le seiboko o t'l'o hira bacha ba

ea hae ba lumelletsoe e le ho bulela bacha sekheo sa mesebetsi.

O re ho hlokomelile hore leha ba ka ba le merero e metle e le ea nako e khutšoanyane le ea nako e telele ha ho se chelete le lisebelisoa ba hamela le-tanteng. A re ba t'l'o matlafatsa mekhoha e fapakaneng



450, tlas'a lenane la ts'ebetso la SADP2 o t'l'o ts'ehetsa lihoai tsa bacha tse 80. 'Muso o tla tsoelapele ka morero oa sebatso ho thusa bacha ka boqapi ba 1,277 ba kahar'a morero oo ho hlomella leho ts'ehetsa bacha ba joalo ka litsebo. 'Muso o t'l'o chorisa likhoebo tse 500 tsa bacha ka tlatsetso ea libanka kahar'a chelete ea tšehetso e M400 Millione. A re 'muso o ikelelitse hore bahlanka ba lilemo li 50 ba ka khahloang ke ho

ho nyehlisa likhafa e le ho khothaletsa hore likhoebo tse ikemetseng li hire bacha ka bongata.

Ba boetse ba t'l'o batlela Basotho ba nang le litsebo le ba se nang tsona mesebetsi ka ntle ho naha kaha a laetse baemeli ba naha ea Lesotho ho ntlafatsa likamano le linaha tseo ba nang le setsoalle le tsona.

O phethetse ka hore merero ena, e tla qala ho kena ts'ebetsong ho tloha ka la 1 Phupu monongoaha.

MOELETSI O TŠEHETSA BACHA



Tšeliso Thakholi

Le ha ho bonahala bacha ba aparetsoe haholo ke tlhokahalo ea mesebetsi, tšebeliso e mpe ea tai le mafu a seoa a kang HIV/AIDS. Ho na le bacha ba ikemiselitseng ho tsoelapele ka matla a maholo ho thusa bacha ho ikopanya ka litsebo tse fapakaneng tseo ba nang le tsona. Morero e le ho ba thusa ho iqalla likhoebo molemong oa ho fokotsa tlala le tlhokahalo ea mesebetsi. Bacha bana ba thehile Kampani e bitsoang Moonlight Enterprises PTY Ltd ho thusa bacha ho sebetse 'moho ka litsebo tseo ba nang le tsona.

Kampani ena e amohela mocha e mong le e mong ea rutehileng le a sa rutehang, e ba kopanya 'moho kaofela ho ba etsa ngatana-ngoe, e be moo ba arolelanang litsebo le ho hlahllellana ka malebela ho fumana mekhoe ea ho ithlahisetsa mesebetsi. Re ile ra bua le ba bang ba bacha bao e leng batsamaisi ba Kampani ena e leng Katleho Makhalamele le Chakane Sepetla ho utloa haholoanyane ka Moonlight Enterprises PTY Ltd. Bona ba li beha tjena:

QALEHO EA KAMPANI

Kampani ea Moonlight Enterprises PTY Ltd e qalile

ka khoeli ea Loetse 2023, 'me e ngolisitsoe ka molao le Ofisi ea Molao. Re e thehile re le bacha ba bararo empa hajoale kampani ea rona e bonahala e hola ka potlako e kholo. Re fumaneha khubung ea Motse-Moholo Maseru, moahong oa mabenkele le likhoebo tse nyenyane oa MedCash ka phaposing ea No. 165.

MORERO OA HO E THEHA

Kamor'a ho hlokomela hore mosebetsi o'a sokolisa bakeng sa bacha ha ba qeta ho phethela lithuto tsa bona likolong tse kholo, ho sa khathallehe hore na ba tšore mangolo a mofuta kapa ba sa tšoara letho, ba lutse fatše ka litsebo tseo tsa bona kapa bao e bang ba fumana mesebetsi ba batloa litsebo tsa nako e telele pele ba ka qala mosebetsi. Ka hona re ile ra bona ho le bohlokoa ho theha kampani e tla amohela bacha ka litsebo tsa bona tse fapakaneng, re sa natse litsebo tsa tšebetso tsa nako e telele empa re sebetse feela ka hore na mocha o na le lerato le thahasello e kae hore a ka holisa litsebo tsa hae. Rea thusana kahar'a kampani re le bacha e le hore re tle re tsebe ho iphelisa.

BOHLOKOA

BA MOONLIGHT

Joalokaha re se re bole-

tse bohlokoa bo boholo ba Kampani ena ke ho tla thusa ho fokotsa tšotleho le tšokolo e kholo e bonahalang e le teng kahare ho bacha kamor'a hore ba phethele lithuto tsa bona, eba ba lutse fatše ka litsebo tseo ba nang le tsona. Re boetse re thusa le bacha ba se nang litsebo tse khethehileng tseo e bang ba li etse sekolong, empa ba ntse ba e-na le tseo ba ka phelang ka tsona ha ba kopane 'moho ho hlahllellana ka malebela. Moonlight e kopanya bacha bohle e ka ba ke ba seng ba ntse ba e-na le likhoebo le ba se nang tsona ho arolelana litsebo, ho ba re ithutile hore ke ka boikopanyo feela re ka tsebang ho hlola liqholotso tse ngata re le bacha.

TŠEBETSO

Ha joale re na le bacha ba supileng bao re seng re ntse re arolelana litsebo tse kenyeletsang har'a tse ling botaki ba maemo a phahameng, ba etsang li-website tsa likhoebo, ba nang le litsebo tsa ho etsa likopo tsa likolo le tse sebelisoang likampaning tse ling. Re boetse re etsa Branding ka ho fapakana e le mokhoa o mong oa ho tsebahatsa kampani ea rona, re etsa likarete tsa boitsebiso tsa likhoebo ka ho fapakana ha tsona. Mona empa e le mehlala feela ea tse ling tsa litsebo tseo Kampani e thusang bacha hore ba

thakelane malebela ho tsona. Re bone hore thahasello ha e kholo ea bacha ho re atamela ho tla sebetse 'moho kaha le rona ha re ea emela feela hore bacha ba tle ho rona. Rea ba atamela ka mekhahlelo ea bona e fapakaneng.

LIKATLEHO LE LIQHOLOTSO

Hara tse ling tsa likatleho tse ngata tseo re seng re li fihletse ka nako ena ea lilemo tse tharo feela ke ho fumana mechini eo re sebetse ka eona ho thusa baji ba litšebetso tsa rona. Ka lebaka la ho ba le e meng ea mechini ea sejoale joale re se re atleha ho sebeletsa bareki ba rona ka nako e khutšoanyane haholo. Qholotso e kholo e boetse ke khaello ea mechini eo re e sebelisang kaha e ntse e-s'o lekane.

TŠEBETSO E NCHA

Re na le tšebetso e ncha haholo eo re sa tsoa e qala eo re e thakhotseng ka Moqebelo ona o tsoa feta. Ke ea hore bacha hohle moo ba teng ba ka tlang moreki

kahare ho Moonlight Enterprise, ho ba le moputso oo re ba fang ona e le e meng ea mekhoe ea hore ba tle ba tsebe ho iphelisa.

MERALO

Re lakalitse ho batla thepa e le ho akofisa tšebetso ea rona le ho fumana sebaka se seholo, se tla lumella bacha ba bang ho sebelisa litsebo tsa bona e le ho holisa tšebetso ea rona.

KELETSO HO BACHA

Ho bacha bohle ba nang le litsebo le ba se nang tsona, ha ba tle koano re tli'o sebetse 'moho e le ho fihlela litoro tsa rona. Ha ho hloka-hale hore ba ka tla Maseru mona empa rea fumaneha ka marang-rang re ka kopana ra sebetse 'moho ba ntse ba le moo ba phelang hona teng. E kholo ke hore kopano ke matla ho ba ha re kopane re ka tseba ho fihlela lintho tse ngata, etsoe lefu la noha ke ho tsamaea e le 'ngoe. Bacha ba heso ha re ikopanyeng re tsebe ho loantša boemo bona bo teng ba tlhokahalo ea mesebetsi kahare ho rona.

MOONLIGHT

THE HOME OF YOUR BRAND

VISIONMISSION

With our persistence and unwavering focus, we continue to work dedicatedly to understand the needs of our customers with mutual respect and care, and act with utmost integrity in everything we undertake. Our **GOAL** is to provide you with the creative insight and commercial awareness you need to transform your business.

One of our priorities is to achieve excellence in customer satisfaction and superior business results. It is our firm belief that, our employees and suppliers hold critical roles in our quality **MISSION**. Therefore, we will retain and attract the best employees and choose suppliers with equal rigor in quality.

sales.moonlightenterprise@gmail.com

Moonlight Enterprise

Moonlight Enterprise

+266 6923 4583

+266 2232 4583

Metcash Complex, Room 165

E thala e boela mosehlelong



lakase. Tsena li bile Lekhotleng le Phahameng, ka la 9 Phupjane monongoaha.

Khang ea 'muelli oa balli eleng Monaheng Rasekoai ke hore PAC e bitsetsa boto

Nthabeleng Seithleko

Moahloli e Mo-holo Sakoane Peter Sakoane o re nyeoe ea Kampani ea Phepelo ea Motlakase Lesotho (LEC), ha e'a potlaka ka hona e tla ntšoa kahar'a lethathamo la linyeoe tse potlakileng, ka lebaka leo Komiti ea Paramente e Alositseng tšebeliso ea Lichelete tsa Sechaba (PAC) e tla itsoellapele ho etsa mosebetsi oa eona oa ho lulisa LEC majoana ka bobolu ba tšebeliso e mpe ea lichelete le ea mot-



ea LEC kapele ho eona ka litsela tse sa lateleng molao, e hobosa litho tsa eona le ho li tlontlolla ka lipotso tse tlohang lipehelo tsa eona tsa tšebetso. Baqosuo ba ne ba buelloa ke Adv. Thomas Thakalekoala.

Moahloli Sakoane o boleletse Rasekoai hore maparamente ke boeme-

ta a amanang le lichelete. PAC e lokela e tloheloe e phethe mosebetsi oa eona kante ho tšetiso ea letho ho tsoa makaleng a 'muso.

Litabeng tsena Molula-Setulo oa PAC 'Machabana Lemphane Letsie ea neng a hloeloe setha ke litho tsa komiti ea habo le maparamente a mang, o



li ba sechaba, a tseba mosebetsi oa ona a bile a na le boiphihlelo ba ho etsa ts'ebetso eo ba e fuoang ke molao. O re PAC e na le tokelo ea ho phenyaphenya ba belaeloang ts'ebeliso e mpe ea lichelete, haholo ha e le lichelete tse tsoang mokotleng oa 'muso.

O re PAC ha e'a etse letho le ka thoko empa e ntse e latela methati ea eona ea ts'ebetso kaha e bile e le matleng a ho rarolla matha-

re komiti e se e ntšitse lis- amane, 'me bekeng e tlang ka la 15 Phupjane monon- goaha e tla bitsetsa kapele ho eona boto ho ea tsoe- lapele ka liphuputso tseo.

Litaba tsena li latela hore LEC e hlahlele nyeoe e pot- lakileng Lekhotleng le Pha- hameng e kopa Lekhotla leo ho tsoara PAC matso- ho hore e se hlole e ntse e phenya boto mabapi le lita- ba tsa tsamaiso e mpe ea kampani ena.

Lekala le phenya melata mahafi

Nthabeleng Seithleko

Letona la Khi- ro le Bosebetsi, Mohlomphehi Tšeli- so Mokhosi o re lekala la habo le tli'o sebetsa ka thata ho hlahloba lipolo- miti tsa melata e hoebang kahar'a naha ho thibela hore e kene kahar'a naha ka litsebo tse tsoanang le tsa Basotho. O boletse tsena, ka la 9 Phupjane monongoaha.

O re ba hlokometse hore ba lokela ho hlahloba ka thata litokomane tsa melata eohle e nang le thahasel- lo ea ho sebetsa kahar'a naha ho bula menyako ea mesebetsi sebakeng sa Basotho, e seng mesebetsi e ka etsoang ke Basotho e haptjoe ke bona. O re ho bonahetse hore tšebetso e teng ea Khaho ea Letamo la Polihali ho na le pelaelo ea hore ho na le bahoebi ba

ntseng ba sebetsa ka moo ka litsebo tse tsoanang le tsa Basotho.

O bontšitse hore ba tšo- ere ka matla ho bona hore mesebetsi eohle ea Baso- tho e'a sireletseha le hore e tsoele Basotho molemo. O re ho ntšetsa leano la bona la polokeho ea mesebetsi ea Basotho pele, ba ntse ba sebetsa le linaha tse ling ho

bona hore ba hlophisetsa ho batlela Basotho meseb- etsi linaheng tse ling.

Mokhosi o re ba tšoere ka matla ho bona hore ba- cha ba qetella ba fumana mesebetsi ka ntle ho naha e le karolo ea ho kenya let- soho kholong ea moruo. A re ba se ba ile ba khotha- letsa Basotho ho ngolisa ka litsebo tseo ba nang le

tsona, 'me ba se ba ile ba e-ba le lipuisano le baeme- li ba Naha ea Lesotho hore ba sebetsa ka thata ho bona hore qetellong ba fumenela Basotho mesebetsi lina- heng tseo ba leng ho tsona.

A re ho isa batho ka ntle ho naha ha ho bolele hore naha e sitoa ho itlhalisetsa mesebetsi empa ke taba ea ho sebetsa 'moho le linaha tse ling, tse hlohang batho ba bacha ba nang le litse-

bo. Leha bothata bo bohobo ba linaha tse ling e le puo empa ba tla lokela ho tla ka mekhoha ea hore Basotho ba rutoe lipuo tsa linaha tse 'maloa.

Mothehi oa Mokhatlo oa Batho ba sebetsang Lina- heng tseo e seng tsa habo Bona, Lerato Nkhetše o hlalositse bohlokoa ba hore Basotho ba ka sebetsa lina- heng tseo e seng tsa habo bona, empa 'muso o loke- la ho etsa lithophiso tse nang le ponaletso ka batho ba nepahetseng, o ipapise hantle le litsamaiso tsa lina- ha tse ling molemong oa polokeho ea Basotho.

A re ka toka litaba tsena li lokela ho sebetsa ke ba- tho ba ikemetseng eseng 'muso, ebe mosebetsi oa 'muso ke ho sheba hore ho sebetsa ka molao e le ho fana ka menyetla ea khoebo ho batho ba ikemetseng. Ba boele ba lise hore linaheng tse ling litaba tsa thekisetsa- no ea batho li tšoeroe joang le ho ithuta bophelo ba lina- ha pele ba ka isa Basotho ho tsona.



Bacha ba taeana ka ente

Nthabeleng Seithleko

Mokhatlo oa Mokhosi oa 'Ma-ngoana o ipiletsa ho 'muso ho etsa melao e boima khahlanong le basebelisi ba lithetefatsi le ho aha meaho eo ho tlang ho fanoa ka litšebeliso tsa tlhabollo ho anetsa matšolo a tlhokomeliso ka litaba tsena molemong oa polokeho ea bana. Sena se latela ho ata ha tšebeliso e mpe ea lithetefatsi ho bacha moo ba li fetiset-sang ho ba bang ka mokhoa oa ho enta. Litaba tse-na li boletsoe le Mothehi oa Mokhatlo Pontšo Tumi-si, puisanong le Koranta ka la 10 Phupjane monongoa-ha.

O re e se e ka makhotla a ka fana ka likahlolo tse boima ho batho ba tla fumanoa ba rekisa lithetefatsi kaha likahlolo tseo ba li fuoang li etsa hore naha e hamele letanteng toantšong ea tšebeliso e mpe ea lithetefatsi haholo ho bacha. A re ho latela tloaelo ea morao tjena, moo ba bang ba fetisetsang lithetefatsi ho ba bang ka mokhoa oa ho enta ho na le monyetla oa ho fetisetsana mafu a tšoaetsanang, a kenyeletsang lefu la HIV e leng se thunthetsang seriti sa Naha ea Lesotho machabeng toantšong ea lefu lena.

A re ho se be leseling ha batsoali le bahlokomeli ba bana mabapi le matšoa nakong eo bana ba sebeliseng lithetefatsi ho etsa hore bohlo ba bana ba sebelisang lithetefatsi tse kotsi ba se eloe hloko, ka hoo litsi tsa tlhabollo li ka thusa ho fenyha mofetše ona. O re motsoali o lokela ho tseba hore na ngoan'a hae o phela kae, o tsa-maea le bo-mang hape a hlalobe mokotla le phaposi ea ngoana khafetsa.

O re ketelong ea mokhatlo likolong tse fapakaneng tsa Maseru e le ho fokotsa sekhahla sa tšebeliso ea lithetefatsi le ho fana ka thuto baneng, ke bonyane 68% ea bacha e fumanoeng e sebelisa lithetefatsi.

Ho sa le joalo, Tšepo Masupa ho hlaha Mokhatlong oa Student Christian

Movement o hlalositse hore bacha ba bangata ba oela lerabeng la ts'ebeliso ea lithetefatsi hobane ba bang ba hopola hore li kaba tlisetsa bophelo, ba bang ke khatello ea maikutlo, ho se sebetse, tlala le ho sitoa ho arabela lithoko tsa bona tsa mantlha. A re ha bacha ba sa tšehetsoe ka mesebetsi taba eo e bapala karolo e kholo bokamo-

song ba bona, kaha ba hloka tšepo ho latela mekhoe e fapakaneng ea kholiso malapeng.

O re ba bang ba bacha ke bona ba lokelang ho nka boikarabello kholisong ea malapa a habo bona 'me ha ba sa fumane tharollo ea moshoelella le tšehetso ea se ka ba phathanyang hore bophelo ba bona bo fetohe, ba nka

liqeto tse behang bophelo ba bona tlokotsing. O tiisitse hore mokhatlo oa habo o phela likolong tse 'maloa 'me morero ke ho kopanya bacha 'moho ho tšohla litaba tsa bophelo le ho fanana malebela ka ho hlola liqholotso tse tebileng.

O ipilelitse ho likolo ho tsosolosa mekhatlo e kopanyang bacha le lipapali kaha joale ha ho se lina-

ko tse joalo bana ba hloka mekhoe ea tlhabollo 'me seo se ama boiketlo ba bona, hobane hoo ho khatholla maikutlo le ho lebala ka litaba tse behang bophelo ba bona tlokotsing. A re ho bohlokoa hore mekhatlo e itsetele likolong le metseng hore bacha ba kopane 'moho ho tšohla litaba tsohle tseo ba kopanang le tsona.

Le bona ba bohlokoa



Nthabeleng Seithleko

Ele ho keteka let-satsi la hae la tsoalo le bang ka la 2 Phupjane, Motlotlehi 'Masenate Mohato Seeiso o nehelane ka lithusa-thuto, seaparo sa sekolo, lieta le litlolo ho barutoana ba sekolo sa bana ba nang le bokooa sa Ferrando Resource Centre Special School Maputsoe, ka la 6 Phupjane monongoaha.

O hlalositse hore Mokhatlo oa Hlokomela Bana o hlokomela bana bohle ba sechaba ba nang le lithoko tse ikhethang, 'me ke taba-tabelo ea hae ho bona bana bohle ba e-na le boiketlo eaba o phaphatha sekolo sena mahetla ka mosebetsi oo se o etsang ka oa ho ba falerato le thuto.

A re mokhatlo o kenya letsoho ho bona hore bana bohle ba hola ka tlhopho le boiketlo ka hona o leboha ho tsoa boteng ba pelo ea hae hore e be ba ile ba etsa mosebetsi oo kapelenyana. A re ba ne ba rata hore e ka ba ka fihlela lithoko tsa bana tse

'maloa. A re thuto ke tokelo ea ngoana e mong le e mong.

Mookameli oa Mokhatlo

boiketlong ba sechaba le kholong e nepahetseng, ka lebaka leo mokhatlo oa bona o sebetse ka matla ho bona hore bana bohle ba ikutloa ba tsoana le ba bang mesebetsing eo ba e etsang le ho iphumana ba rutehile.

Letona la Thuto le Koetliso, Prof. Ntoi Rapapa o itse o etse hloko lithoko tsa sekolo sena, ka hoo se tla kenyeletsoa likhakanyong tsa lichelete tsa selemo se hlahlamang. A re ba etse liqholotso tsa litichere tsa sekolo sena hloko 'me ba tla li hlaloba hobane ha ho bonolo hore tichere e rutang mofuta oo oa bana, e ka ba le lipehelo tsa tlhokomelo ea bana joaloka ha ba khetha litichere likolong

hohle e le lekala ho bona hore thuto e anela bana bohle ho se khethollo kaha seo se thusa kholong le ntlafalong ea bana. A re hore e be bana ba na le bokooa ha ho ba sitisi ho fihlela litaba tsa boqapi, boetapele le ntšetsopele ea kholo ea bona.

Mookameli oa Sekolo Sr. Sarbarina Hynnewta o re ba netefatsa hore bana ba fumana thuto ea boleng, hore le bona e be karolo ea bana ba ntlafetseng ba rutehileng. A re limpho tse-na li fihla ka nako e nepahetseng eo ho nang le bana ba hlokanang hobane ba hloka lisebelisoa haholo liaparo tsa sekolo.

Setsi sa Kabo ea Mobu (LAA) se fane ka



oa Hlokomela Bana, 'Malibe Thamae o re ba bone ho le bohlokoa hore ba hlokomele bana bohle le ho kenya letsoho ntlafalong ea bana. A re ba etsa sena sohle ho anetsa thuto baneng hobane ba ile ba hlokomela hore thuto e ntse e nyehla kaha bana ba bang ba sa be le monyetla oa ho kena sekolo ka lebaka la bohloki.

A re ho tsetela baneng ke ho tsetela bokamosong,

tse ling.

O re ba ikemiselitse ka

M10,000.00 ho Mokhatlo oa Hlokomela Bana.



Mohiri o re h'a na letho

Nthabeleng Seitlheko

Mongoli-Kakaretso oa Mokhatlo oa Basebetsi ba Lifeme (NACTWU), Samuel Mokhele o re 'Muso oa Lesotho o loke-la ho loana ea khumame-la ho sireletsa mesebetsi e tlokotsing ea lifeme. O boletse tsena, puisanong le Koranta ka la 10 Phupjane monongoaha.

nong tsena moo ba ileng ba lumellana le mohiri hore o tla lefa bao M1, 000.00 khoeli le khoeli ha ba ntse ba le mala-peng. A re bosebetsi ba tla khutlela mosebetsing joaloka tloaelo ho qeteli-sa mesebetsi o matso-hong a bona.

O bontšitse ha ba ntse ba le lipuisanong le 'Muso oa Lesotho ho utloa hore na ba sirelet-sa mesebetsi ena joang, nakong ena e thata eo

Marena a kena boipelaetsong

Nthabeleng Seitlheko

Muso oa Lesotho o lokela ho tseba hore marena ke ba-tho, a na le litokelo 'me a hloka meputso e phelisang ka hona a hloka meputso ea ona e nyollotsoe joalokaha a ile ba tšepisoa. Litaba tsena li boletsoe ke Mongo-li-Kakaretso oa Mokhat-lo oa Marena a Lesotho, Leloko Mohalenyane puisanong le Koranta ka mohala, ka la 10 Phupjane monongoaha.

O re Basotho ba lokela ho tseba hore ha ba ba hloea, empa ba rata ho ba sebeletsa feela joale ba behile lipene fatše e le boitšepo hore 'muso o lumele ho ba le lipuisano le bona, hore litaba tsa bona li ke li sekeheloe

tsebe. O re ba hloka meputso e phelisang ho latela boitlamo ba 'muso ba hore o ne o lokela hore ba nyollotsoe me-putso ka khoeli ea Tšitoe ngoahola.

O re ha ho morena ea fanang ka litšebeliso, li-ofisi tsohle li koetsoe 'me hona ke sesupo sa hore ba ntsoe-leng litabeng tse ba amang. A re sechaba se lokela ho utloisisa boitlamo le tšebetso ea bona ea kamehla le teng ba lokela ho phela kaha ba fumana meputso e sa pheliseng hoo ba eng ba qetelle ba sia mesebet-si oa sechaba ho tsoma metsuntsunyane. A re taba ena e ama tsamai-so ea sechaba metseng, kaha e le batho ba lokelang ho beha litaba tsa sechaba leihlo le ho fihlela tharollo litabeng tse potlakileng. A re ba tla ipelaetsa ho fihlela 'muso ho buleha molo-mo o arabela litlhoko tsa bona.

E mong oa baahi ba Ha Fako Thakane Malefane

o supile hore boipelaetso bona bo amme mesebet-si ea bona e fapakaneng hobane ha ho litšebeliso tseo ba ka li fumanang ka ntle ho marena. A re ba kopa 'muso ho bulela bao monyako oa lipuisa-no hore sechaba se tse-be ho fumana litšebeliso hobane moreneng ke hona teng moo ba tša-belang teng sebakeng sa litharollo tse potlakileng.

Ba se ba tšoha hore bo-ramenyetla ba tla nka menyetla ba ba senyetse, kahoo ba kopa 'muso ho shaba taba ena ka matla kaha e ama litšebeliso tse eang ho sechaba.

Raliphatlalatso oa 'muso Thabo Sekonye-la, o hlalositse hore ha se taba ea hore 'muso o iphapanyetsa taba ena mafapha ohle a ame-hang a lokela ho lula fatše a buisane, e le hore ho seke hoa ameha pha-no ea litšebeliso.

Ke bonyane Marena a 4000 a behileng lipene fatše.

Success is personal

We work to improve our lives and change our social status. When that happens

our confidence increases and our outlook to life changes. The only thing that we have to remember is that success is personal, nobody owes

us anything. Our parents don't owe us success; they can only pave the way for us. The responsibility to be successful shall forever remain with us. Our preparedness to be successful is demonstrated by our willingness to do what others find difficult, where others don't dare to go we must go. Success is the baby of boredom, we must be prepared to do one thing over and over again with a hope that results which will change our lives will come. We must be ready to be unpopular as those of us who remain poor are afraid of other poor people laughing at them for trying to change their lives. No successful person ever finds an effort to change a life funny, it's only the poor who do. Success is calling those willing to be alone at work.



Teboho Matjeka
63574502/58911803



O re bosebetsi ba Mas-eru E Textile ba tla ba ka thoko ho mosebetsi nako ea likhoeli tse tharo, kamor'a hore mohiri a hlalose a se na chelete ea ho ba lefa meputso ea khoeli le khoeli. O re bao ba ile ba etsa boipelaetso ka ho hula matsoho a bona mosebetsing ho tloha ka la 6 Phupjane ka thoko ho molao.

O re seo se ile sa su-sumetsa hore mohiri a batle tšireletso ho Se-polesa sa Lesotho se ileng sa koalla bao li-heke. A re taba ena e ile ea baka litaba tse boima empa ha fihlela tharollo ea hore basebetsi bao ba tla lefshoa chelete ea lilemo tse peli motho ka mong le hoja mohiri a itl-halositse hore o batla a imetsoe.

O re ke hona lipuisa-

naha e leng tlokotsing ea tlhokahalo ea meseb-etsi. A re ho bolokeha ha mesebetsi ena ke ho ntlafalo ha moruo, kholo le polokeho ea sechaba khahlanong le tlala le mafu.

Sena se latela hore basebetsi ba fetang 1, 000 ba feme eo ba hule matsoho ts'ebetsong ba tseka ho fumana halofo ea moputso oa bona oa likhoeli tse tharo, kapa chelete ea lilemo tsa ts'ebetso tsa mohiruo-a ka mong.

Itumeleng Chabeli leb-itsong la basebetsi, o re tšabo ea basebetsi ke hore mohiri a se balehe kaha a bonoe a ntša thepa e 'ngoe ea mosebetsi hoseng hoo, ke ka hona basebetsi ba tsekang chelete ea bona, e se re ba tsoa ka ea moroa.

Marena a se kene mekhatlo ea sechaba

Nthabeleng Seitlheko

Marena a Sehlooho a nts'itse polelo e khalemang marena a metse, ka hore a tsoe litabeng tsa boipelaetso ba sebeletse sechaba, ebile ha ba ea lokela ho kena Mekhatlo ea Sechaba kaha mosebetsi oa bona e le ho loanela puso e tsitsitseng. Litaba tsena li hlaheletse 'mokeng oa bo-ralitaba oa la 11 Phupjane monongoa-ha.

A re ho fihlile tlhokomel-ong ea ona hore Mokhatlo oa Basebetsi o bitsoang LEWA, o entse phatlalatso ea hore marena a tla emisa ts'ebetso 'me e le Marena a Sehlooho ba etsa phatlalatso ea hore ho latela tsamaiso le melao ea Naha ea Lesotho ha ho moo Marena a ka emang le mokhatlo ea sechaba kapa ea ba karolo ea eona.

Polelo e tsoelapele hore ha ho na ka tsela efe kapa efe LEWA e ka etsang phatlalatso lebitsong la Marena a Lesotho hoo ke tlolo ea molao. Ba rata ho hlokomelisa mekhatlo hore marena ha se bahlanka ba 'muso ba ka kenang boipelaetsong khahlanong le melao ea



naha.

Basotho bohle ba tsebisoa ke Marena hore ha hona boipelaetso ba Marena, Borena ka Marena a Sehlooho a tlasa bona a fumana litsiane tse fokolang haholo ho latela boikarabelo ba bona, empa bao ba tsebe 'muso o ntse o nyakurela meputsoe ea Marena. Ba ipiletsa ho Marena ohle a tlasa puso ea bona ho khutlela mosebetsing hang-

hang, kaha e le tlolo ea molao hape taba ena e tla utloisisa sechaba bohloko. A re tokiso ke hore moo sechaba se sa fumaneng lits'ebetso bao ba ee liofising tsa naha ena tsa Marena a Sehlooho ho fumana lits'ebetso.

Marena a tsamaisoa ke Molao oa Lerotholi oa selemo sa 1968 karolo ea 22, 'me ho latela temana ea 6 karolo ea bobeli ke ts'oanelo ea Morena e mong le e

mong ho ts'ehetsa, ho baballa botsitso le ho baballa Motlotlehi Morena e Moholo 'musong oa hae oa Lesotho ho latela melao ea Lesotho. Ba boetse ba lokela ho sebeletsa sechaba sa tikelohoa ea puso ea bona, ho ntšetsapele boiketlo le litakatso tsa bona tse lumelloang ke sechaba, ho ela hloko khotso le botsitso kahar'a sechaba.

Ha ba phethela ba re

Marena a lokela ho sebelisa matla ohle a molao le ho phetha mesebetsi eohle ea molao ka nepo a sa khetholle a latela molao, ha Morena oa Sehlooho le oa sebaka a na le matla a ho laela oa tikelohoa ea mo hlahlamang ka puso kapa a etse sohle se lumelloang ke molao, ke tsoanelo ea Morena ho hlomphe Morena oa Sehlooho le oa sebaka ka matla a puso.

Bohatelli ha bo tle bo letsa meropa-Mahao

Nthabeleng Seitlheko

Moetapele oa Bohanyetsi Paramenteng ea Lesotho, o re 'Muso oa Lesotho ke o bolileng, o hlekefetsang paramente, ka ho e bakela litšoso le khatello ea tšebetso ea Likomiti tsa Paramente ha o lokela ho amohela tšebetso ea tsona. O boletse tsena 'mokeng oa bo-ralitaba o neng o ts'oeroe ke baetapele ba mekha ea bohanyetsi ba ka paramenteng, ka la 11 Phupjane monongoa-ha.

Mathibeli Mokhothu polelong ea bona o hlalositse hore 'muso o bonahala o se na leano la toantšo ea tlhokahalo ea mosebetsi, la temo joale ebe ho na le phano ea litšebeliso tsa sechaba tse nyehliileng. A re ba soabile hore ha 'muso o lokela ho tsoha o fana ka tlaleho ea ona ea tšebetso ho sechaba o sitoa ho etsa joalo empa o abetsoe lichelete ke paramente.

Ha joale 'muso o lokela ho hlakisetša sechaba hore na o koala joang sekheo sa

5.3% sa moruo o hlalosoang o theohetse ho eona, 'me hona ke pontšo ea ho hloleha ha 'muso khahlanong le tlhahiso ea mesebetsi.

Mokhothu o itse ba nahang ho nka puso ka likhoka ba inahane bocha kaha Lesotho e le naha ea puso ea sechaba ka sechaba, ba tsebe hore ba tla ba koalla hobane mofuta o teng oa puso ke khetho ea sechaba. Motaung o itse bohanyetsi bo tšehetsa Marena, bakhethoa ba puso ea libaka le basebeletsi ba tsa bophelo metseng hore ba fuoe chelete eo ba e tšepisitsong ke 'muso.

Moetapele oa Liketso le Bophethahatsi (BAP), Prof. Ngqosa Mahao o itse ho hlaseloa ha komiti e utloang bonolo litabeng tsa Kampani ea Phepelo ea Motlakase Lesotho (LEC) e leng Komiti e Alositseng Tšebeliso ea Lichelete tsa Sechaba (PAC) ke 'muso ke bopaki ba bobolu bo robileng khoe-bong eo. A re bohatelli ha bo tle bo letsa meropa empa bo qala pele ka ho nonya matla a paramente e le hore sechaba se hloke lentsoe, hona ke bopaki bo feletseng hore pusong ena bobolu ke lelomolo.

Moetapele oa Mokha oa

Sechaba sa Basotho (BNP), Machesetsa Mofomobe o hlalositse hore sechaba se ntse se teneha letsatsi le letsatsi hobane se'a bona hore litšepiso tsa 'muso ha li phethahale, hape tona-kholo h'a na thahasello toantšong ea bobolu hobane batho ba pel'a hae ba ntse ba bo etsa a e-na le bona. A re eo o bonahala a sa tsotelle hore na naha e boemong ba 99 lefatšeng ka bobolu.

Ha moetapele oa UAT, Dr. Mahali Phamotse a hlalositse hore taba ea bobolu ba puso ena ke morero oa khale le hore na ke lintho tse tla sebetša joang, ke ka

hoo a ileng a utloa a loke-la ho furalla RFP ha e se e tsoa fatše maano a ho sebeletsa sechaba batho ba ithuisa ka puso.

A re ke nako ea hore baetapele ba mekha le makhotla a lipolotiki ba bone hore ba loantša kotsi ena hobane ke leano e bile ke thapo ea nako e telele moo ba ikemiselitseng ho bolela M10 Million tlhahisong ea boiketo ba mesebetsi hore ha ho uoa likhethong ba tsebe ho reka sechaba, 'me taba ea bohlokoa ke hore sechaba se se iphumane se oetse molekong oo hobane puso e rekisoang ke ea bohatelli.





TSA KEREKE

Ba keteka Pentekonta



2024-2025 SELEMO C

MOKETE OA BORARO BO HALALELANG



Maele 8:22-31
Pesalema 8
Ba-Roma 5:1-5
Joannes 16:12-15



Khothatso

Phetheho ea Limisteri tsohle

Katekisisa ea Kereke e Katholike e ruta hore misteri oa boraro bona bo halalelang ke sehlohlolo sa tumelo ea Sekriste le bophelo ‘me hape o khantšetsang limisteri tse ling tsohle tsa tumelo. Nalane ea pholoho e utolla ka moo Molimo, e leng Ntate, Mora le Moea o Halalelang ba ileng boelana le ho kopana le batho ka teng. Lipalo tse latelang li re thusa ho bona likamano tsa baperesone, le ho tebisa kutloisiso ea rona leratong la Molimo. (Maele 8:22-31, Ba-Roma 5:1-5, Joannes 16:12-15)

Misteri ona oa tumelo ha se ntho eo o lokelang ho e rarolla, empa ke ‘nete e lokelang ho amoheloa le ho utloisisoa. O boetse hape o bontša hore ke baperesone ba bararo ba sa tšoaneng empa ba phelang hammoho ka kutloano. Thuto ena ke motheo oa ho utloisisa boleng ba Molimo le likamano tsa hae le batho.

Baperesone bana ha ba arolelane Bo-molimo empa e mong le e mong ke Molimo ka ho tla. Joalokaha Kansele ea Bone ea Laterane ea 1215 e hlalosa, “E mong le e mong oa bona o moholo.” Boraro bo Halalelang bo na le bonngoe; ke Molimo a le mong empa ka baperesone ba bararo ba lekanang e leng Ntate, Mora le Moea o Halalelang, ha ba le joalo ha ba tšoane empa u ke ke ua ba arola hobane ba arolela bo-molimo bo le bong. Taba ea hore ke misteri e mema balumeli ho ba le likamano tse tebileng le Molimo, ‘me ho bo utloisisa ho ba thusa ho bona hore ho se tšoane ha ho bolele ho se utloane kaha bohle ba ka phela ka lerato.

Mangolo a Halalelang a tšoare ka botebo misteri ona le hoja Testamente ea Khale eona e fana ka leseli le itseng, hobane e bua ka bongata bo bontšang kopano ea Molimo. Mohlala, Genese e bolela mantsoe ana a Molimo a reng, “Ha re bopeng motho ka tšoano le rona.” (Genese 1:26), e boele e re, “Motho o tšoana le rona.” (Genese 3:22) Testamente ea Khale e boela e bua ka Lentsoe la Molimo le Moea e le lintho tse fapakaneng empa e le baemeli ba Molimo.

Testamente e Ncha eona e fana ka tšenolo e hlakileng haholo nakong ea tlhatsuo ea Kriste, moo Ntate a buang nakong eo Mora a hlatsuoang ebe joale Moea o Halalelang o theoha ka sebopelo sa leeba. Lithuto tsa Kriste haholo Evangelizing ea Joannes li totobatsa likamano tse tebileng lipakeng tsa Ntate, Mora le Moea o Halalelang e le baperesone ba sa tšoaneng empa ba arolelanang bo-molimo. Mokete ona o ile a phatlalatsoa ke Mopapa Joannes XXII ka selemo sa 1334 ka morero oa ho tiisa bo-molimo ba Kriste khahlanong le lithuto tse ling li sele.

Alemanakeng ea Kereke o hlaha hantle kamor’a Pentakonta ‘me o bontša ho tloha nakong ea Paseka ho ea ho e Har’a Selemo. Taba ena e latela morero oa pholoho oa Molimo ka tsoho ea Kriste le ho tla ha Moea o Halalelang. Ha re qetela boinahano ba rona ka misteri ona re hlokomela hore bophelo ba rona ba Sekriste ho tloha ka tlhatsuo ho isa tsohong, bo itšetlehile ka Ntate, Mora le Moea o Halalelang. Hona ha se thuto feela empa ke thapo e re thusang ho ba le moelelo o tebileng ka bophelo leetong lena la rona lefatšeng, ho isa bophelong bosafeleng moo re il’o kopana le Molimo hona teng.

Bahalaleli har’a Beke

16	Phupjane	Benno
17	Phupjane	Moling
18	Phupjane	Guy
19	Phupjane	Zosimus
20	Phupjane	Helena
21	Phupjane	Maine

Tšeliso Thakholi

“Ha ho motho ea ka reng, Jesu ke Morena haese ka matla a Moea o Halalelang.” Tsena li boletsoe ke Fr. Patrick Khoaele OMI tšebeletsong e kholo ea Sehlabelo se Halalelang sa ‘Missa, se neng se koala mokete oa tebelo ea Moea o Halalelang e neng e tšoeroe ke bacha Parishing ea Maria Mofumahali oa Lefatše, Mazenod bosiueng ba la 7 ho isa la 8 Phupjane 2025.

Fr. Khoaele o boletse hore Moea o Halalelang ke ona o re tlamang ka lineo tsa mefuta-futa tseo ka tsona re tlotlisang, re bokang, re khumamelang, re rapelang le ho lumela ho Molimo a le mong ka Baperesone ba bararo. A re mokete ona oa Moea o Halalelang ke bophethahatsi ba tšepiso ea matsatsi a ka bang 50, a tsoho ea Jesu Kriste bafung. A re le pele ho mahloko a hae sefapanong, le pele a e-ea lebitleng la hae le tsoho ea hae, “Haesale a ntse a bua taba ena. Ke tla ea feela ha ke na le sia feela le le likhutsana, ke tla le romella motšelisi le motlafatsi e leng Moea o Halalelang.”

A re kajeno re keteka litšepiso ‘me le ka tlhatsuo ea rona re re Jesu ke Morena. “Ke ka ona Moea ona. Ha se hore re qala ho o amohela empa ho tloha popong ea motho haesale a e-na le Moea oa Molimo.” O boletse joalo a bile a eketsa ka hore Lisakramente tse ling tse supileng li’a re fetola empa ka ho khetholoha tsena tse qalang tse tharo e leng TI-

hatsuo, Eukariste le Tiiso kaha ka bo-tsona li na le Moea o Halalelang.

A tiisa hore ha se ho bolela hore tse ling ha li na Moea o Halalelang empa ke tsa bosebeletsi joaloka Bopristsa, Manyalo le Tlotso ea Bakuli. A re tsena tse qalang tse tharo li’a re fetola kaha ke tsona tseo Paulosi a reng li re thusa hore “re re Molimo ke Abba ke hore Ntate.” A re ke ona Moea o Halalelang o re thusang hore re nolofalloe hore re re “Jesu Kriste ke Morena, ‘me ke Morena oa Marena le Khosi ea Likhosi.”

A re ke ona Moea o Halalelang oo, ka letsatsi la Pentekonta barutuo ba Jesu ha ba ntse ba phuthelile qalong e le ‘ngoe ba ile ba utloa molumo o kang oa letolo o sisinyana lefatše. “Ha ba re mahlo tloha! Ba bona ho theohela holima e

mong le e mong oa bona maleme a kang malakabe a mollo, a lula holim’a bona.” A rialo a bile a phethela ka hore ba ba utloang, ba ile ba qala ho utloa ba bua lipuo e mong le e mong ka puo ea habo feela ba utloana kaofela.

Ke hona moketeng ona ho bileng le liketsahalo tse ‘maloa tsa ho o tlotlisa, tse kenyeletsang har’a tse ling, nchafatso ea manyalo a malapa a mabeli a Lesotho le a mabeli a Bloemfontein Naheng ea Afrika Boroa ao banyalani ba neng ba qeta lilemo tse 20 tsa Sakramente ea Lenyalo le Halalelang. Bakhethuoa e leng bakriste ba bacha ba ileng ba hlatsuo ka Paseka le bona ba ile ba chesa mophato moketeng ona, ‘me ba fetoha karolo ea lelapa la Kereke e Katholike ka botlalo.



MSA e tlotla libapali

Tšeliso Thakholi

Sekolo sa Koetliso ea Bolo ea Maoto sa Masianokeng (MSA), se ketekile mokete o moholo oa lilemo tse hlano se thehiloe, ka ho fana ka mehope le limentlele ho libapali tsa sona tsa bashanyana le banana tse ileng tsa ipabola papaling ea bolo ea maoto selemong sa lipapali sa 2024/2025. Mokete ona o bile mabaleng a Sekolo se Phahameng sa Masianokeng tikolohong ea Mazenod ka la 7 Phupjane 2025.

Moketeng ona o neng o tšehelitsoe ke likampani tse fapakaneng ho ile ha fanoa ka meputso ho sebakali se le seng sa bashanyana le banana, mekhahlelong e supileng ea likhau e leng oa libapali tse ipabotseng tsa mola o kamorao, libapali tse ntlafaltseng maemo a tsona, bahlaba-lintlha ba hloahloa, libapali tse bapetseng hantle tsa selemo, libapali tse bapetseng haholo ho feta tse ling, sethibathibane se senyenane ka ho fetisisa, sethibathibane se ipabotseng le libapali tse bapetseng hantle mpeng ea lebalala.

Ho latela ka moo libapali



tse na li ileng tsa sebetsa ka teng selemong se fetileng, 'Mateboho Moerane le Motlatsi Mashapha e bile bona libapali tse ikhaphetseng mehope le limentlele tsa khauta ka ho ba libapali tse hloahloa tsa mola o kamorao, Tšepiso Phakisi le Thapelo 'Moleli ea e-ba bona bahloli ba likhau le limentlele tsa libapali tse ntlafaltseng maemo a tsona. Likhau tsa ba hlabileng lintlha tsona tsa ikhaphela ke Malefetsane Mpopo le Nkosinathi Ketsekile.

Athe Thato Sekoanya le Mosae Mallela ba ikhaphela likhau tsa ho ba libapali tse bapetseng hantle haholo ho feta tse ling, Motlatsi

Mphahama le Rearabetsoe Pitikoe bona ba ikhaphela likhau tsa ho ba libapali tse bapetseng hantle. Haele Karabo Mothebe le Limpho Lebetsa ba ikhaphela likhau tsa ho ba sethibathibane se senyenane le se ipabopetseng ka talellano ea bona. Libapali tsa ho qetela tse ileng tsa abeloa likhau e bile Motlatsi Mphahama le Liteboho Thakolo e le libapali tse ileng tsa bapala hantle mpeng ea lebalala.

Mothehi e bile e le motsamaiisi oa Sekolo sa Koetliso sa Bolo ea Maoto sa Masianokeng, Monghali Tlokotsi Ndlovu o ipilelitse ho sechaba le bahoebi ho sebetsa 'moho ho holisa le ho atle-

hisa Sekolo sa Koetliso sa Masianokeng. A re sekolo se ka hola feela ka lebaka la tšehetso eo se tla e fumana ho batsoali le ho bahoebi. A re se ka boela sa hola ha feela se e-na le bana ba nang le boitsoaro bo botle. "Hoba 'na ha ke batle bana ba se nang boitsoaro hohang kaha ba silafatsa malapa a habo bona, seriti le tlompheho ea sekolo." A rialo.

A re mamati a butsoe ho batsoali bohle ba ka ratang ho tliša bana sekolong sena, 'me se amohela bana ba bashanyana le banana ho tloha ha ba le lilemo tse 'ne ho isa ho tse 20. "Batsoali le baholisi ba bana tlišang

bana sekolong." O bole-tse joalo a bile a eketsa ka hore toro ea bona ha se ho sebetsana le lipapali feela empa ke ho kenya letsoho le thutong ea bana ho bona hore b'a ruteha, molemong oa bokamoso ba bona. "Re na le toro ea hore mafelong a selemo sena bana ba tla beng ba sebelitse hantle ba sekolo sena ho be le seo re ba fang sona. Ke kopa bahoebi bohle ho kenya letsoho ho bona hore sekolo sena se ea hola." Ke Ndlovu eo.

Mokete ona o ile oa tlotlisoa ka boteng ba baeti ba bangata ba bohlokoa ba kenyeletsang khalala ea sehlopha sa Naha sa Likuena e bile e le mohlaba-lintlha ea kotsi oa sehlopha sa LUFC, e leng Lemohang Lintša ea ileng a khothatsa le ho lebohela bana bohle ba fuoeng likhau.



Li keteka tsoalo ea 'Mabasotho

Tšeliso Thakholi

Kampani ea Blue Sky Air Conditioners e entse nalane lekhetlo la pele papaling ea bolo ea maoto ea basali kahare ho Naha ea Lesotho, ka ho nehelana ka thepa ea boleng ba chelete e kaalo ka M200,000.00, ho lihlopha tse robeli tsa bolo ea basali tsa Liki e Kholo le tsa Mokhahlelo oa B, e le ho tšehetsa litholisano tse qalileng mafelong ana a beke

a tsoa feta tsa Mohope o mocha oa Queens Cup, o reretsoeng ho ntšetsa pele ketekelo ea letsatsi la tsoalo la Motlotlehi 'Masenate Mohato Seeiso.

Lihlopha tse na tse ntseng li qothisana lehlokoa lebaleng la Boema-fofane ba Sesole ba Mejametalana, Maseru ke tsa Liki e Kholo ea Super League e leng Berea Ladies le LDF Ladies. Haele tsa Mokhahlelo oa B Division ke Massive Ladies, Koalepe Ladies, Amazulu Ladies, Khabisi Ladies le Sekamaneng Young Stars



Ladies. Sehlopha ka seng se abetsoe lijesi tsa bolo tse 20, lieta tsa bolo tse 20 le libolo tse peli.

H'a fana ka thepa ena lebitsong la Kampani ea Blue Sky Air Conditioners, Mofumahali Marethina Mpofo o supile hore ho ile ha fihla tlhokomelong ea Kampani ea habo hore lihlopha tsa bolo ea maoto tsa basali li hloka tšehetso ho tsoa ho bahoebi joaloka lihlopha tsa bolo ea maoto tsa bana. A re ke ha ba tla bona ho le bohlokoa ho tšehetsa lihlopha tsa bolo tsa basali e le hore le tsona li tsebe ho

hola.

A re joalokaha e le lekhetlo la bona la pele ba tšehetsa bolo ea basali, tebello e kholo ea bona ke ho bona libapali li itella Queens Cup ka ho bontša lipapali tse tsoileng matsoho tsa boemo bo holimo le ho baballa thepa eo ba e fuoeng e le hore e tle e nke nako e telele e ntse e le maemong a matle.

"Ke beha tsohle matsohong a lona, tlhokomelo ea thepa le ho bona hore Queens Cup e se e tla bapaloa selemo le selemo. Ke lona le tla re bolella hore na le hloka hore re 'ne re

tsoele pele kapa re felle selemong sona sena." O boletse joalo a bile a qetella ka ho khothaletsa bohle ba fuoeng boikarabello maemong a fapakaneng a lipapali tse na ho etsa tšebetso ka boitelo le ka tšebeliso e mofuthu ho fihlela lipapali tse na li fihla pheletsong.

President ea DiFA Berea, Monghali Lekhooa Thabaneng o ipilelitse ho libapali ho sebelisa monyetla ona oo li o fuoeng, ho sebetsa ka thata e le hore ha li bapetse hantle li ka iphumanang li khethetsoe ho bapalla lihlopha tsa naha. A thoholetsa le ho leboha mofani ka limpho tse na tsa bohlokoa tseo a faneng ka tsona, tse reretsoeng ho holisa le ho matlafatsa bolo ea basali.

A qetella ka ho bolela hore sehlopha se tla hlahisa boemong ba pele se tla ikhaphela mehope, limentlele tsa Khauta le chelete e kalo ka M20,000.00, bobeling teng e tla ba limentlele tsa Siliefera le M14,000.00, borarong e be limentlele tsa Bronze le M9,000.00 ha boemong ba ho qetela ba bone e tla ba M6,000.00.



E otloa maling a mpa



Tšeliso Thakholi

Kamor’a ho tsoa ka lesoba la nale ka ho sasara Malawi ka thupa

e bohloko ea 1-0, litlholisa-nong tsa Mohope oa COSAFA tse ntseng li bapalloa Mangaung, Afrika Boroa, Sehlopha sa Naha sa Likuena se ile sa otloa maling a mpa habohlolo ha se ne se ntšoa Mohopeng ona ke

Namibia ka ho se khakhattha 3-0. Ho hloloa ha sehlopha sa Likuena ke Namibia e ne e le ha tsela ea sona e lebhang lipapaling tsa makholakhang a Mohope oa COSAFA e ne e le moo li

fellang teng, ‘me sehlopha se khutletse haae ka Lab-oraro la la 11 Phupjane monongoaha kamor’a ho hloloa ka makhetlo a mabeli a latellanang ke bompoli ba sireletsang mohope ona e leng Angola ka 4-0 le Namibia ka 3-0. Sena se beha Likuena boemong ba boraro lokong ea Mokhahlelo oa B ka lintlha-kholo tse tharo, ha maemong a pele le a bobeli e le Angola le Namibia ka tatellano. Ho hloloa hona ha Likuena ho ile ha felisa tšepo ea barati le batšehetsi ba sona ea hore se ka atleha ho hapa Mohope oa COSAFA. Athe matsatsi a mabeli a pele kamor’a ho hapa papali khahlanong le Malawi moo Thabang Malane a ileng a hlabela Naha ea Lesotho ntlha ea tlhoho, Basotho ba ne ba tletse ka tšepo le thabo e khaphatsehang kaha ba ne ba bonela tlhoho haufi. Lekhetlong lena Likuena e ne e bonahala e sa ikemisetsa ho hlaba lintlha ho hang kaha e qalile e thibeletsa le ho lahla libolo khafetsa, ‘me e bile e lumel-

la ba lireng ho fumana bolo ha hobebe le ho ba hlasela ka matla. Le ha ho le joalo barati ba bangata ba bolo ea maoto ba re ba lumela hore libapali tsa Likuena li ithutile lintho tse ngata lipapaling tsena kaha li tlii’o boela li itokisetsa lipapali tsa ho phunyeletsa ho ea Mohopeng oa Lefatše o tiilo bapaloa ka Loetse isao. Mokoetlisi oa Likuena Monghali Leslie Notši o ne a ile a bolela pele ho papali ena hore ba tlii’o sebetsana haholo le ho hlaba lintlha kaha papali ea bona le Namibia ba ne ba lokela hore ba e hlole bonyane ka ho hlaba lintlha tse ‘ne ho lehe, ka lebaka la ho ba tlasa khatello ea ho lahlehelo ke papali ea Angola letsatsi pele ba kena papaling ena eba fihlisiseng peletsong ea leeto la bona. O ne a ile a tiisa hore ba tlii’o loanela ho e hapa, empa liketso li ile tsa hanana le seo a ileng a se bua pele ho papali ena kaha a ne a fetotse tsela eo a neng a bapala ka eona ha a qala lipapali tsena. Likuena e se e tla boela e leka lehlohonolo hape isao.

Tšiba ho lla tse ka mahafing

Tšeliso Thakholi

Limathi tsa Lesotho tsa mabelo a matelele tse kenyeletsang mokaubere oa lebelo la Comrades Marathon, Teboho Sello ba ile ba tšela Mohokare ho ea Naheng ea Afrika Boroa ho kenela lebelo la Comrades Marathon la botelele ba 89Km le neng le tloha Pietermaritzburg ho leba Durban ka Sontaha sa la 8 Phupjane monongoaha moo ba khutlileng tšiba ho lla tse ka mahafing kamor’a ho hloleha ho hapa lebelo lena ka makhetlo a mararo a latellanang. Lebelo lena le ileng la thakhoha e sale ka matjeke tlasa maemo a serame se neng se kenella masapong habohlolo, limathi tsa Lesotho li hlile tsa bonahala e sa le sethathong hore li hula ntoa ka litlhako tsa morao ka ho hlahella ha ‘ngoe feela ha ba le 56km, ‘me kamorao ho moo ha apoloa, ha apesoa ntoa ea ba hlola. Ha ho banahala li hloa lekhoara limathi tse ling tsa Lesotho li ile tsa palloa le pele li qeta lebelo. Haele Teboho Sello eo batho ba bangata ba neng



ba behile tšepo e kholo ho eena ea hore o tla tlišetsa Basotho tlhoho, o ile a fetoa ke mohloli oa ngoahola oa lebelo lena e leng Piet Wiersma oa Naha ea Nether-

land ea hlahileng boemong ba bobeli le sehlotšoana sa limathi tsa Afrika Boroa tseo e saleng se mo behile merebele ho tloha ha qala ho hlahella ho 40km, moo

har’a sona e bileng mohloli oa lebelo lena ka makhetlo a mararo e leng Tete Dijana ka nako ea 5:25:28. Lebelo lena leo e seng e le lona leo limathi tsa Lesotho

li e-s’o le hape, ka selemo sa 2023 Teboho Sello o ne a fumane khau ea Khauta ka ho hlaha boemong bo robeli. Empa selemong sena ha ho semathi le se le seng sa Lesotho se atlehileng ho ba kahar’a ba leshome ba tsoileng khoeleng pele. Haele boemong ba boraro e bile Nikolai Volkov oa Russia ka nako ea 5:29:42 ha boneng e bile Edward Mothibi oa Afrika Boroa ka nako ea 5:31:41. Ka ho basali Naha ea Lesotho e ne e sa emeloa, ‘me Gerda Steyn oa Afrika Boroa o ile a itsamaela bolacha ka ho hapa lebelo lena ka nako ea 5:51:19, bobeling ea e-ba Alexandra Morazova oa Russia ka 5:55:56, borarong ea eba Shelmisth Muriuki oa Kenya ka 6:07:56 ha boneng e le semathi se kotsi sa mabelo a matelele sa basali e le Irevette Van Zyl oa Afrika Boroa ka nako ea 6:11:35. Bahloli ka ho banna le ka ho basali ba ikhabetse chelete e kalo ka M875,000.00 motho ka mong, ha bahloli bobeling ba hapile M438,000.00. Nalane ea limathi tsa Lesotho lebelong lena e hlile ha e ntle ho hang kaha semathi sa pele sa Mosotho mofu Gabashane Rakabaele le eena a ne a tlohelle lebelo lena a ntse a e-s’o le hape, empa a fumana Mentelele oa Khauta ka selemo sa 1975.